

律

大明太宗文皇帝實錄卷之九十一

永樂十二年春正月丙子朔 上御奉天殿

受朝賀大宴文武羣臣及四夷朝使 己卯
遣中官楊三保賚勅往諭烏思藏怕木竹巴
灌頂國師闡化王吉刺思巴監藏巴里藏必
力工瓦闡教王領真巴兒吉監藏管覺灌頂
國師護教王宗巴斡即南哥巴藏卜靈藏灌
頂國師贊善王着思巴兒監藏巴藏卜及川
卜川藏隴答朵甘答籠匝常刺恰廣迭上下

印部隴卜諸處大小頭目今所轄地方驛站
有未復舊者悉如舊設置以通使命 陸朶
甘衛指揮同知阿奴頭目隆布班丹領占俱
為朶甘衛行都司都指揮使賜之誥命 辛
巳立春 上御奉天殿文武羣臣行賀禮賜
宴 壬午享 太廟命皇太子行禮 正覺
大乘法王昆澤思巴陞辭賜圖書及佛像佛
經法器衣服文綺儀仗鞍馬金銀器皿等物
命中官護送 癸未以將祀南郊百官受誓

戒于文華殿 乙酉召甘肅總兵官豐城侯
李環從征 丙戌大祀 天地于南郊 皇
太子代行禮畢遣太常寺丞葛清隱復 命
丁亥修曲阜孔子廟 上諭行在工部臣
曰孔子代天立教故萬世帝王敬之廟宇須
稱不可但應故事今老釋之居布滿四方皆
闕麗堅固孔子曲阜廟國家豈可不致重朕
舉兵靖難時嚴禁將士過曲阜不可損壞褻
瀆將士皆不敢違令爾宜體朕此意 戊子

遼王植第十一子生賜名貴賢 平陽王濟
熿慶成王濟炫永和王濟煨及護衛將校人
等屢奏晉王濟熿心懷忿恨圖為不軌 上
以至親初未之信但以勅責之 己丑山東
萊州府掖縣言民間食鹽歲輸米九千三百
六十八石比年田稼不登人民缺食已蒙朝
廷賑貸其該輸鹽糧乞折收鈔帛從之 庚
寅總兵鎮遠侯顧成等獻思州叛蠻苗普亮
等首級先是普亮據臺羅等十四寨與靖州

會同縣青龍渡等處蠻寇連結為亂朝廷遣
人招諭不從遂勅成等討之成與貴州布政
司叅議江英等合兵擊之斬普亮殺叛黨不
可勝計餘寇奔潰遂平 元宵節是夕 上
御午門觀燈賜文武羣臣及耆老宴羣臣進
詩命翰林院第詩高下賜鈔有差并賜耆老
鈔帛 壬辰交趾總兵官英國公張輔率兵
至政平州政和縣叱黃莊賊帥胡同降聞鄧
景異鄧鏐領偽龍帝大將軍黎蟾等七百餘

人逃暹蠻昆蒲冊輔即進兵至羅蒙江皆懸崖側徑捫蘿可上遂捨騎而進將士皆步從比至昆蒲冊景異等已遁又追至叱蒲捺冊賊及其土人皆遁不知所之遂大索夜四鼓行二十餘里聞更鼓聲輔率都指揮方政等銜枚赴之黎明至叱蒲幹冊江北賊據南岸立寨官軍渡江圍而攻之賊不能拒飛矢連中景異傷其脇遂禽之鄧鎔遁政領軍追捕并其弟鄧欽禽之盡獲賊徒黎蟾及景異等

偽印景異創甚遂剖之函其首及鎔兄弟送京師悉斬以狗甲午除河南魯山縣戶絕稅

糧二千五百七十石有奇漢王高契還南

京去年冬高契請還上曰天寒汝與從者

皆不便姑俟春暖新歲高契申前請上曰

朕欲至秋遣汝南還高契不應遂命欽天監

擇日遣之上顧高契曰汝必欲去世子宜

留待朕高契曰亦欲以歸進其學上默然

至是陞辭禮部尚書呂震奏諸司分官送之

上不谷 是日交趾總兵官英國公張輔遣令
指揮薛聚追捕賊酋阮帥於南靈州獲之先
是謀知帥遲還蠻輔遣都督同知朱廣等領
兵追捕廣往來遲人関諸山菁中悉獲帥及
其黨鄧鎔陳季擴屬帥等逃依南靈州土官
阮茶彙至是聚舟師奄至獲之斬茶彙以徇
丙申命安巴阿摩葛者故國師哲尊巴父
也 戊戌烏撒軍民府經歷鍾存礼言府故
蠻夷地久霑 聖化語言漸通請設學校置

教官教民子弟變其夷俗從之 己亥命工
部停運營造磚罷遣軍夫悉歸休息 設雲
南南甸州隸布政司 庚子命北京山東山
西河南中都直隸徐州等衛不分屯守各選
軍士以指揮千百戶率領都指揮總率隨軍
運糧 辛丑發山東山西河南及鳳陽淮安
徐邳民丁十五萬運糧宣府其運糧民丁悉
給行糧及道里費仍免差徭一年 甲辰夜
有星如盞大青白色光燭地出正北雲中西

北行至雲中

二月乙巳朔行在兵部言苑馬寺軍士千七百餘人自陳願隨征宜選精壯者從征其疲弱者令運兵餉從之 丙午勅都督謝芳率領舟師漕運北京 命成山侯王通往宣府大同閱遼東等都司調至軍馬 上諭之曰兵貴精多而不精徒費食而不濟用其精擇之曰指揮千百戶尤須精擇士卒強而將領弱亦不濟用 設陝西藏吉地面貯圓朗當

當堂籠加麻三僧綱司

丁未遣官釋奠先

師孔子 和寧王阿魯台遣其子也先孛羅

都督把罕台等貢馬命宴勞之授也先孛羅

右軍都督賜冠帶金織文綺服衣文綺綵絹

各十匹時阿魯台列奏所部頭目也速不花

等百二十九人請授官命也速不花為都指

揮使餘為指揮千百戶賜賚有差 戊申祭

太社太稷命皇太子行禮 遣官祭先農 夜

有星如盞大青白色光燭地出土司空南南

行至近濁 已酉大閱 庚戌命安遠侯柳
升領大營都督馬旺陳翼程寬金玉副之武
安侯鄭亨領中軍興安伯徐安都督馬瑛章
安副之寧陽侯陳懋領左哨襄城伯李隆都
督朱崇副之都督譚青彬領右哨遂安伯陳
瑛都督費瓛胡原副之成山侯王通領左掖
保定侯孟瑛都督曹得副之都督譚青領右
掖新寧伯譚忠都督馬聚副之都督劉江朱
榮等為前鋒會和寧王阿魯台使至言馬哈

木今遣乞塔歹率騎卒至興和偵朝廷動靜
於是命劉江等先往興和營于城之西出兵
哨瞭又命譚青率右掖兵往興和操備 壬
子真臘國王叅烈昭午牙遣使奈珠連刺等
奉金縷衣文貢方物 增置北京皇城夜巡
銅鈴如南京數 乙卯遣和寧王阿魯台子
也先孛羅等還賜白金文綺龍衣鞍馬并賜
和陽王及其母妻文綺表裏 緬甸宣慰使
那羅塔遣頭目刺牙詣闕言為木邦所侵掠

上以那羅塔素強曠遣人諭之使脩好鄰境各
守疆界 丁巳裁減廣東肇慶府封川縣縣
丞主簿 平陽王濟熿等復奏晉王濟熿怙
惡弗悛奸謀日甚遂勅召濟熿 戊午
上諭行在兵部臣曰比聞天下衛所聽征軍士
多以罷弱者備數用此討賊何以成功其該
管頭目須罪之若軍士逃逸缺伍其頭目住
俸 麓川平緬宣慰使思任發八百大甸宣
慰使刀招散各遣人貢方物賜鈔帛有差

庚申有自陝西來者言鳳翔隴州民饑 上
諭行在戶部臣曰水旱世恒有之國家廣儲
積正以備民之急朕數詔有司恤民今乃坐
視其飢寒不言亟令監察御史發廩賑之并
按問其長吏坐視不言者罪 癸亥百官奏
事畢 上退坐右順門所服裘衣袖敝垢納
而復出侍臣有贊 聖德者 上歎曰朕雖
日十易新衣未嘗無但自念當惜福故每澣
濯更進昔 皇妣躬補緝故衣 皇考見而

喜曰皇后居富貴勤儉如此正可以為子孫
法故朕常守先訓不敢忘言已愴然侍臣頓
首曰陛下恭儉如此誠萬世之法 丙寅
開州民李貴妻孫氏一產三男事聞命循例
優給 戊辰勅鎮守寧夏都指揮使張麟孫
霖曰前慮胡寇侵邊勅余移馬畜南向今志
令還屯務農但謹備之耳 壬申置開平衛
廣盈倉副使一員 癸酉命行在工部凡營
造夫匠悉罷遣歸期明年赴工 夜火星退

入太微垣犯上相星

三月甲戌朔

乙亥以貴州布政司所轄思

南思州兩宣慰司地方分隸八府都坪峩異
溪都素二蠻夷長官司黃道溪施溪二長官
司隸思州府蠻夷長官司水德江沿河祐溪
思印江三長官司并婺州縣及板場木悠揚
前任辦四坑水銀場局隸思南府施秉鎮遠
金容金達印水一十五洞三蠻夷長官司偏
橋長官司并鎮遠州隸鎮遠府苗民阡龍泉

坪葛彰葛商四長官司隸石阡府銅仁省溪
提溪大萬山四長官司并鰲寨蘇葛棒坑硃
砂場局大崖土黃坑水銀硃砂場局隸銅仁
府朗溪蠻夷長官司烏羅谷意治古平頭著
可四長官司隸烏羅府湖耳亮寨歐陽新化
中林驗洞龍里六蠻夷長官司赤溪滴洞長
官司隸新化府潭溪曹滴洞古州八舟福祿
永從洪州泊里西山陽洞七蠻夷長官司隸
黎平府 丙子改河南左叅政李冲於山西

布政司 河南按察使梁通以罪謫役長蘆
丁丑設隆慶州并永寧縣北京行部隆慶
古緡雲氏所都之地金置緡山縣元仁宗生
於縣東改為龍慶州國初移其民入關內州
遂廢至是 上以其當要衝而土宜稼穡改
為隆慶州又於州東圍山下設永寧縣隸焉
而以有罪當遷謫者實之 戊寅旌表大同
府廣昌縣民謝定住孝行定住年十二從母
周行林薄中遇虎噬其母定住奮力擊虎母

子俱全有司上其事召至京師上親問而
嘉之賜鈔二百錠米十石仍旌表其門已
卯勅總兵官鎮遠侯顧成等曰比知賊首就
戮餘衆潰散今春耕及時宜悉散軍回衛若
殘寇復出俟秋成之候出兵勦除建真武
廟於北京皇城之北庚辰女直野人頭目
亦能哥斡羅失等來朝設卜忽禿河阿兒溫
河可河三衛命亦能哥等為指揮千百戶賜
誥印冠帶龍衣及鈔幣有差直隸揚州府

水災命戶部遣官驗視被災之民賑之凡六
千二百戶辛巳擢進士張璘為山東布政
司右叅議鄭阜義為廣東布政司右叅政台
州府推官林禎為山東按察司僉事監生孟
亨為監察御史癸未都指揮師祐獲交趾
賊首陳季擴於老撾先是總兵官英國公張
輔禽賊黨鄧鎔於暹人吒蒲幹冊季擴逃又
安竹排山遣祐等往捕之季擴勢窮走老撾
祐進兵追躡之老撾請自獲季擴以獻輔因

遣人持檄索之仍令祐提兵入老撾境祐進克老撾三関至金陵箇蛮人散走棄季擴與其妻妾於及慕冊南磨之地官軍悉生繫以歸季擴弟季楷稱偽相國王驩國先助亂於靖安州至是聞季擴就縛乘船走入海夷衛指揮李鑑等逐至多魚海口并其姊偽公主等悉禽之賊黨皆平甲申遣奉御祝原等使真臘國初真臘遣人貢方物且言數被占城侵掠其使久留京師至是上遣原等送

歸并賜真臘國王叅烈昭午牙綵幣別以勅戒占城王占巴的賴令安分循理保境睦鄰滁州判官張恭等送孳生馬至北京命禮部賜送馬者人鈔二錠復諭行在兵部臣曰方春農作宜亟遣還若馬有不堪用當詰所司非送者之過兀良哈福餘泰寧朵顏三衛納馬至遼東勅都指揮王真等每馬予綿布四疋初三衛嘗竊掠邊戍勅令納馬三千匹贖罪至是以馬至上曰蛮夷之人服則

赦之故命予布 乙酉女直野人頭目廣右
等來朝命為指揮千百戶而設葛可河衛以
處之賜誥印冠帶褰衣及幣有差 丙戌命
皇太子以出師告 天地 宗廟 社稷

命皇太子監國留守事宜一循永樂八年之制
雲南臨安府嶲城縣丞周成言境內夷民
焚人羅羅百夷普蠟和泥其類不一而焚人
子弟多有俊秀宜建學校之使習詩書知禮
義從之 丁亥勅前鋒都督劉江朱榮等曰

爾為前鋒師之耳目係焉即先遣勁騎出興
和百里外憑高瞭望騎行可作二隊或三隊
勿令虜覺余等率餘眾俟朕至然後行 戊
子賜從征將士鈔 上諭之曰今四方無虞
獨殘虜為患而丸刺尤甚驅之然後中國安
其一乃心力効謀奮勇凡有功者高爵厚賞
朕不吝也 庚寅輟于承天門遣官祭太歲
旗纛及所經山川之神 車駕發北京
皇太孫從行先是 上謂侍臣曰朕長孫聰明

英銳勇智過人今肅清沙漠令侍行俾知用
兵出奇之法亦使躬歷行陣見將士之勞苦
知征伐之不易又謂學士胡廣庶子楊崇諭
德金幼孜曰每日營中閒暇余等即以經史
於長孫前講說文事武備不可偏廢晚次
清河京城官吏耆老送駕者辭上進其
耆老諭之曰京師人烟輻輳欺詐者多余等
宜督子弟務生業毋事游惰人衣食足則廉
恥興風俗厚而皆本於父兄之教也余等勉

之 辛卯駐蹕沙河勅陝西行都司凡瓦剌
使人來及買賣回回在甘肅者悉遣赴陝西
毋令出邊地 壬辰 駐蹕龍虎臺勅守居
庸關及長安嶺將校凡從征官軍非奉勅無
擅令出入勅使往迤北及開平奏報邊務者
必驗實遣行 甲午戶部言四川羅泉等五
井鹽課司竈丁言永隆竹筒井土石崩壞鹽
課虧折而成都府內江縣舊有中海銀杏小
竹筒三井可以開煎已遣人覈實宜令煎辦

皇太子從之 乙未駐蹕沙城命成安伯郭亮
等督運糧車赴萬全 丙申駐蹕鷄鳴山晉
王濟熈上謁初平陽王濟熈及其護衛將校
人等屢奏濟熈謀為不軌至是召至命留宣
府俟旋師處置給內使平人厨子十人軍士
二十人充使仍以勅諭晉府長史等官曰平
陽王等屢言晉王造謀不軌朕念至親未忍
絕之今令暫居宣府俟命尔等其朝夕與之
講明道理遷善改過朕當有以處之 戊戌

駐蹕宣府 上坐帳中皇太孫侍側
上從容語以前代得失事及君臣相與保全之
艱 皇太孫所對語皆合 上意 上喜願
謂侍臣曰人必務學乃能增長智識適與長
孫語其所對悉有權度非尋常意見所及亦
其比來學問進矣侍臣叩首賀曰 太孫殿
下資識超越他日必為太平天子
宗社生民之福也 上曰朕嘗命東宮官屬協
心輔之尔等皆須盡誠 命錦衣衛指揮僉

事袁江署宣府前衛事留備禦是日四川
雜谷安撫使曩甲等貢馬交趾太原府土官
同知楊巨覽宣化府土官同知梁仕永遣人
貢金銀器等物上洪州知州阮人禪歸化州
知州陶季容亦遣人貢方物皇太子命禮
部宴勞之庚子駐蹕寧遠鎮勅平陽王
濟煢曰余兄濟熿包蓄異謀前後告者無慮
數十百人朕每含容諭以善道今朕親征胡
虜濟熿來見面諭所為略不悔罪但以至親

不忍遽絕今留居宣府使之省過班師之日
別有處置特諭余知之車駕發寧遠鎮將

十里許度一山坡草間有兔突起過馬前

上命皇太孫射之應弦而斃將士皆歡呼踴躍
上亦喜曰射雖小藝一發即中亦人所難命中
官以免付尚膳而賜皇太孫名馬是日
設交趾升華思義四州俱隸升華府在化州
以南統黎江等十一縣蓋黎賊所取占城之
地而以阮帥胡具鄧景異鄧鏞為守及帥等

叛占城仍遣人守之至是叛占城仍遣人守
至是叛賊就禽總兵官英國公張輔同黔
國公沐晟計議復建四州承制授降人阮堯
楊夢松范公議阮儉為知州胡交張原汪武
征范昉為同知仍以書報占城王使知建置
之故備其事來聞 皇太子從之 貴州鎮
遠府綏寧等縣苗蠻三十七洞千六十餘戶
請占籍為民 皇太子從之初苗蠻恃險嘯
聚教為民患嘗遣前監察御史遠志賁勅招

諭至是志歸附焉 辛丑 車駕至萬全命
忻城伯趙葵建平伯高福尚書吳中郭資都
御史李慶通政馬麟督運兵餉又命都指揮
王喚等以騎兵護送 上進葵等諭之曰役
民數千里隨軍餽運艱難勞苦此已過矣余
等宜朝夕慰撫勞勉無毒以刑威不然是重
吾過也其務體朕意 壬寅戶部言直隸之
靈壁懷遠相城宿松潛山太湖舒城常熟河
南之洛陽汝陽項城山東之安丘諸城陝西

之安化華亭諸縣民飢 皇太子命郡縣各
發官廩賑之凡賑穀九萬一千六百三十石
有奇 是月湖廣武昌等府通城等縣民疫
皇太子命戶部遣人撫視

大明太宗文皇帝實錄卷之九十二

永樂十二年夏四月甲辰朔享

太廟命皇太子行禮 是日 駐蹕興和大閱

以平陽王濟熿等所奏晉王濟熤不執事

諭皇太子 陞陝西都指揮使胡原為右軍

都督僉事 乙巳戶部言廣東瓊州府宜倫

縣民黃凱臨高縣吏王榮安招誘大小英豪

及曹衙南等村黎人二千三十七戶悉願占

籍為民 皇太子從之 夜有星如碗大青

白色光燭地出軫宿南行至近濁 丙午勅
兵仗局以神機銃砲盔甲辟手頓項鐵袴馬
甲各二百明甲一千送行在所 召甘肅千
戶滿谷刺馳驛詣行在滿谷刺者都指揮滿
都之弟壯勇便捷自甘肅來從征後期至京
不敢前進 上聞而召之 已酉頒軍中賞
罰號令一與虜賊交鋒之際突入賊陣透出
其背殺敗賊衆者一與虜賊交鋒之際本隊
勇敢向前衝入賊陣斬獲賊將及獲其旗號

者一與虜賊交鋒之際本隊與賊對敵已殺
敗賊又見別隊與賊相抗力不能支未決勝
負却能救援殺賊衆者一有受命能任其事
出奇破賊成功者皆有奇功一與虜賊交鋒
未決勝負其後隊向前殺敗賊衆者皆為頭
功一與虜賊交鋒之際齊刃前進首先殺敗
賊衆者亦為頭功一臨陣有勇敢當先殺敗
賊衆建立奇功頭功者其親管頭目即行報
知不許扶同妄報者治以重罪一行營及下

營之時禽獲奸細者陞賞與頭功同一哨馬
生擒虜賊一人來者賞銀三十兩斬虜賊首
級一顆來者賞銀二十兩一行營之時遇有
衣服及鞍馬弓箭撒袋不同者即擒送來果
是奸細陞賞與頭功同一行營之時遇有衣
甲弓箭撒袋相同喝問答號不同者即禽之
是奸細陞賞與頭功同一遇來降虜賊有將
帶老幼口畜財物者分毫不許侵害擅動即
時來報一臨陣與虜賊對敵務須齊心殺賊

不許聚馬一處掣拽空缺如與賊相抗力不
能支不能即決勝此必平日不能撫恤軍士
不能精選操練不能整搦隊伍此等無勇無
謀全伍皆斬一臨陣交鋒務要一時向前殺
敗虜賊如不盡力殺敗虜賊者全伍皆斬一
擺列隊伍已定不許馬軍挿入步軍隊步軍
挿入馬隊違者治以重罪如臨陣之際或一
時混戰尋本隊不得挿入別隊者不在禁例
一臨陣對敵之時殺敗虜賊務盡力勦殺不

許搶擄人口馬匹財物違者治以重罪如所
騎馬乏許將所禽虜賊馬換騎向前追勦一
對敵之際務齊力前進者不許稍遲一隊
看一隊有不齊力前進者戰勝之後許連隊
之人首告治以重罪有容情不首一體治罪
一管軍頭目務須愛恤軍士軍士既聽頭目
號令不許怠慢如有軍士一人不在者小旗
即報總旗總旗報百戶百戶報千戶千戶報
指揮指揮報都指揮都指揮報坐營總兵官

坐營總兵官即來奏知一從征官軍但有在
逃者斬該管頭目務要隨即報知不報治以
重罪一軍士選揀精壯能戰者務須人馬相
應不許將軟弱不堪者揀入隊伍如有人壯
馬弱或馬壯人弱者將壯馬與驍勇者向前
廝殺如自己有馬臨敵之際能借與驍勇者
廝殺有功時許借馬之人分賞如借馬之人
不願分賞者聽一征進戰馬務須愛惜不許
擅騎遇有賊對敵許騎無事騎者治罪一各

營軍士喂養馬驢務愛惜馱載該管頭日時
常點閱如有違治以重罪一各軍將器故意
拋落遺失及盜賣者治以重罪一各軍行糧
麩麩該管官旗務須點閱如數食用使軍士
常飽不許過用遺棄有過用及遺棄者是損
自己氣力以資敵人違者并該管頭目皆斬
一軍行及下營之時須各認隊伍不許攙前
落後擅離隊伍及雜入別營別隊違者并該
管頭俱治以重罪一夜行相遇即喝問便要

答號如答號不得者即係奸細就便禽送辦
驗果係奸細照例陞賞或故意不答號者及
有見而不拿者事覺俱治以重罪一軍中夜
間以各等大小銅角笛聲為號不許聲音相
同務要各聽號聲認認隊伍不許叫營違者
論罪一軍中夜間務須靜肅不許諠嘩者即
問所起之處有諠嘩及左右相近應聲之人
與該管頭目皆治以重罪一每日行營務待
大營旗纛起行或聽駕前銅角聲各營方許

起行一每日下營各營令步軍或伍隊十隊
量撥隊數披掛伺候馬隊或五隊或三隊四
隊量隊撥數卸下行李不摘鞍伺候待長圍
及架砲者擺置停當方許脫甲解鞍入營休
息喂馬一有盜人衣服糧粃諸物及偷驢馬
宰殺將人遺落驢架檢括隱藏者俱殺若知
情首告得實者給賞知情不首者一體治以
重罪但以收得馬驢架者不許隱藏即送該
軍該軍送大營着人識忍若收後官軍不用

心收拾致有馬驢架遺落被後哨官軍收獲
者收後官軍治以重罪一每日各營燒火務
須謹慎不許失火有失火者即是與賊遞送
消息其失火者與該管頭目治以重罪一每
日行營不許在途炊飯若違者與該管頭目
治以重罪一每日各營燒火須謹慎違者并
本官頭目皆斬一下營掘井必令人監守不
許作踐及歲占自用違者治以重罪一管隊
官員及總小旗常點陣軍士有病者即令醫

療治各軍該管藥料官員及醫士亦常加巡
視不許稍取財物違者俱治罪一長圍及坐
冷者須晝夜用心關防一各營架砲務各依
地方瞭望但有灰塵揚起及人馬往來者即
未報知若聞哨馬營及四面砲響亦速傳報
一掠陣官臨敵時視斃有畏避退後者即
斬之一報事官遇有事即飛報不許頃刻遲
慢一紀功過官有功者即紀之有過者即錄
之以憑賞罰一令內官將象牙牌臨陣者視

有勇敢當先奮力向前殺賊能建立奇功頭
功者即與牙牌收執往赴大營奏知給與勘
合以憑陞賞一軍中有妄談災異及妖言者
斬知情不首者罪同知情首告得實者亦給
重賞一軍中有洩漏軍機者斬知情不首告
者罪同知情首告得實者亦給重賞一凡在
鹿及黃羊野馬諸雜等獸驚走奔突入營及
入隊伍者務須報知一望見塵起不問旋風
揚沙及野獸騰踏塵起及見死馬死牛羊等

物與牛羊駝馬等糞并駝馬牛羊踪跡俱須
來報一如拾得一應物件或男子婦人首飾
及一應文字等項不問久遠新近遺下之物
隨即報之行一軍在道不許打圍一遠望似
馬非馬似鹿非鹿似人非人亦即來報一白
日見烟入夜見火不問似火非火人火鬼火
俱須報知一見有功次務須實報不許虛誑
有虛誑者治以重罪如所報果實依功次藉
記給與勘合陞賞如無勘合不准一凡聽號

令之後坐營總兵官說與都指揮都指揮說
與指揮指揮說與千戶千戶說百戶百戶說
與總旗總旗說與小旗小旗說與軍士務令
通知遵守。庚戌勅大營及五軍諸將曰軍
令嚴則人心一功賞明則人心勸行師之要
也今或朝發一令而夕不下聞此不嚴所致
軍士効力而名不上達此不明所致其立傳
令及紀功官凡出一令傳令官即馳騎報各
營將校有功者紀功官隨錄以聞其有作奸

及慢令者亦錄來聞 丙辰雲南楚雄府黑
鹽井土官巡檢楊巨源言本處沙石甸有小
井歲可得鹽七十三萬七千二百斤乞令戶
部覈實從之 丁巳 駐蹕五雲閣勅掌行
後軍駙馬都尉廣平侯袁容士卒有逃歸者
俱收繫之俟回京處置 庚子 駐蹕龍沙
甸以 萬壽聖節賜從征文武羣臣宴 辛
酉 駐蹕錦雲磧命都指揮伯失指揮卯罕
曲列兒等為鄉道 壬戌 駐蹕小甘泉命

五軍循次而行初軍馬行為大陣至是以沙
磧之地大陣不便故命循次云 甲子 駐
蹕清水源禁軍中私殺馬騾捕告者重賞之
乙丑 和寧王阿魯台遣指揮曩加夕等來
朝 丁卯 車駕發清水源 皇太孫從之
上於馬上指示山川陰易及將士之勤勞
且曰汝知吾所以為此者乎對曰 陛下豈
為圖其土地利其資畜而勤遠畧哉願此虜
禽獸之性雖施以天地大恩不知感戴暫服

而遽叛非彌難之久亦難制昔禹之征苗文
王之伐崇密皆非得已也 陛下尊居天位
享四海之奉豈不自樂而仰勞 聖躬跋涉
遠外者無非欲驅除此虜於遐荒絕漠令一
迹不敢近塞下使乎孫臣民長享太平之福
耳遂下馬叩頭 上歎曰孫之語吾之心也
駐蹕北雲谷韃靼孛羅不花等五人及孛
羅男速渾詣軍門降命勞之遣人護送北京
自 上之出塞也屢戒飭諸將師行所誅惟

首逆其降者撫之順者懷之虜中聞之於是
降附者稍稍至矣 已巳 駐蹕玄石坡申
令將士愛惜戰馬兵行毋擅離隊伍違令者
斬 辛未 駐蹕清風壑命大營五軍諸將
但官軍有疾令太醫給藥未痊者遣人護送
還萬全休養因諭安遠侯柳升等曰士卒是
將帥手足將帥非士卒不能獨成功若為將
素不得士卒心將有緩急能出力相援耶余
等宜盡心撫恤無令失所 是月河南睢州

及儀封杞縣考城太康洛陽靈寶嵩縣新安
八縣雨雹傷麥

五月癸酉朔 駐蹕揚林戍 上閱武之暇

皇太孫侍語及創恭守成之難且曰前代帝
王多有生長深宮狃於富貴安逸不通古今
不識民艱於經國之務惜然弗究而至於亡
者朕常以之為戒汝將來有嗣統之責須勉
力學問於凡天下之事不可不周知人之艱
難不可以不涉歷聞見廣而涉歷多自然心

胸開豁於萬幾之來皆有以處之而不差矣
如此非惟不負 祖宗之付託亦有福澤被
及下人汝勉之勉之 皇太孫叩首曰恭承
聖訓不敢不勉 勅忻城伯趙彞刑部尚書吳
中等督運糧餉赴禽胡山 夜金星犯五諸
侯 甲戌戶部言山東密安丘諸城三縣民
流移者二千一百九十一戶

皇太孫命遣人巡視撫恤 乙亥 駐蹕禽胡
山上念在潛邸時嘗禽虜奴乃兒不花于

此遣禮部尚書呂震祭其山川之神 丙子
勅前鋒都督劉江等曰騎士哨瞭若遇寇東
走即丸刺之人詣阿魯台者西走即阿魯台
部下往丸刺者須並執之蓋虜情多詐不可
不察 忻城伯趙彛尚書吳中等餽運主遂
築城貯糧命彛等率官軍守之悉遣民丁還
丁丑命各部尚書及光祿卿六科給事中
為督陣官遇戰即隨軍後視將士用命不用
命者以聞 是日 皇太子命賑給直隸蘇

州府吳縣及河南新蔡暮山汝陽西華四縣
之民被水災者凡賑五千七百餘戶 戊寅
勅前鋒都督劉江曰朕昨觀氣候丸刺之寇
已動余等尤宜慎重毋或怠忽也 己卯
駐蹕香泉戍令將士各賚糧以行禁各營毋
隱匿他人亡失馬驢 是日化州徃首藍盛
宗等來朝貢 皇太子命禮部如例賜勞
夜有星如盞大青白色有光出造父東北行
至游氣 辛巳 駐蹕廣武鎮遣指揮塔不

多等往覘丸刺事務 是日雲南元江等府
故土官知府那直男那直曲請軍民府龍華
寺僧志禪等貢象馬等物 皇太子命如例
宴勞 甲申交趾總兵官英國公張輔檻送
所獲賊首偽大越國皇陳季擴偽驃騎大將
單特進開府儀同三司入內檢校統政太傅
平章事上柱國開國忠武公阮帥及偽印九
顆并各賊家屬赴京師 乙酉 皇太子除
山東沂水縣戶絕荒田三百八十二頃二十

四畝租稅 四川羅泉井竈丁言各戶幼丁
今皆長成而逢州曉壩里舊有小竹筒盤李
意興二井可以開煎盤李井歲可得鹽萬一
千八百八十斤意興井歲可得鹽萬三千三
百二十斤乞令羅泉等五井塩課司提督煎
辦 皇太子命戶部言遣官覆視如實即從
所言 戊子 駐蹕至喜川命前鋒都督劉
江等先發精騎往飲馬河偵虜 己丑
皇太子以故陝西都指揮僉事房雋子貴嚴通

州衛指揮使武金子勝齮金吾右衛指揮同
知錦衣衛指揮使顏勝子整大興左衛指揮
使郭雄子斌濟陽衛指揮使丁福子全通州
衛指揮同知姜義子昇燕山前衛指揮同知
朱亮姪進金吾右衛指揮僉事兀刺赤義子
福順齮職通州衛指揮僉事梁顯子勝金吾
右衛指揮僉事徐士能子興羽林前衛千戶
劉敬支子源濟陽衛千戶毛貴子闡軍將成
子官音保吳忠姪拜住俱齮陞指揮同知羽

林前衛千戶程順姪寧大興左衛千戶李全
子順濟陽衛千戶李敘子馬駒俱齮陞指揮

僉事 辛卯 駐蹕速兒温都兒之地其地

有海子水清冽賜名曰慕山海蓋軍行已二
程之水至是始足用云 癸巳四川天全六

書招討司招討高敬讓遣子帑貢馬敬讓嘗
遣帑入國學讀書以丁母憂去至是服闋還

監 皇太子命禮部賜予如例 甲午

駐蹕通泉泊都督朱榮報虜寇數十人東行

上曰此必丸刺所遣勅榮遣精騎覘之復諭榮
曰此别有直路趨土刺河視飲馬河路有三
四程且便水草如寇果東行宜速從直路報
來朕明日徑趨飲馬河休息士馬虜至必成
禽矣 乙未哨騎報虜東行 車駕遂發駐
蹕飲馬河 丁酉鎮遠侯顧成卒成之先湘
潭人祖父以操舟為業往來江淮間遂居江
都成字景韶少壯勇有膂力喜習武事自文
其文人稱顧花子歲丙申揚州歸附隸大將

麾下以勇稱選為帳前兵常執繖蓋侍出入
忠謹未嘗有過初授百戶從諸將征伐陸金
吾衛副千戶帶刀宿衛扈從征陳州舟膠於
淺成獨奮躍以背負舟而行陞堅城衛指揮
餘事平蜀破貴州洞蠻克普定西堡陞昭勇
將軍普定衛指揮使賜金帶織金龍衣陞鎮
國將軍貴州都指揮同知初大軍征雲南成
鎮普定搃其後路蠻人無敢叛走者陞驃騎
將軍右軍都督餘事佩征南將軍印鎮貴州

建文中 上舉兵靖難成率衆來禦被執入
見 上命解其縛慰諭之令侍世子居成感
恩圖報盡心畢智世子倚重焉成老將凡節
制號令禦備之方一經於成 上即位論功
行賞封鎮遠侯命鎮貴州永樂二年招降貴
州叛蠻男女四百五十餘人六年討平谷勞
平邊諸蠻八年思州臺羅寨首長苗普亮等
作亂既招降之後復叛命成討之進兵擣其
寨禽普亮斬之并戮其衆諸蠻震懾還師至

鎮無幾平時年八十有五訃聞 皇太子遣
官致祭後 車駕還京追封夏國公賜謚武
毅成容貌魁偉質直有膽畧粗涉書史大意
雖至大將不以富貴驕人在鎮日繕甲兵申
嚴號令威信並行蠻夷作生祠祠之及卒吏
民哀慟子八人統普定衛指揮使勤貴州衛
指揮同知統先卒 己亥前鋒都督劉江等
言哨見虜踪跡東行 上曰虜果東行吾濟
矣勅江急追襲之且曰虜驅輜重行未必輕

捷余遇之即戰戰必勝今先發千騎益余六
師隨至但遇虜即同朱榮等相機行事是
月山東平度州德州沂水縣雨雹傷麥
六月壬寅朔駐蹕清流港下令五軍將士
今深入虜地一二日必破虜臨陣之際齊力
奮勇所誅者惟首虜毋奪財物毋掠婦女毋
害老稚毋殺降附違者斬遼王植第十二
子生賜名貴燭癸卯皇太子改禮科給
事中劉伯蘊為戶科給事中工科給事中史

壽為吏科給事中廣東按察司副使李祥為
雲南按察司副使陸行人吳淵為浙江按察
司僉事甲辰駐蹕雙泉海即撒里怯兒
之地前鋒都督劉江等兵至康哈里遇虜
與戰斬虜數十人馳報上度虜必大至命
江等嚴哨瞭下令各營曰虜中亦有能漢語
者或夜假言語相通因而劫營當謹備之
乙巳前鋒獲虜謀言馬哈木太平等兵距此
百餘里上喜曰朕固知虜不遠令諸軍秣

馬以俟早發 丙午 車駕發雙泉海次三
峽口前鋒都督劉江等哨見虜衆馳報

上率師兼程而進命皇太孫於實毒縣同行專以
鐵騎五百衛護 丁未夜有星如盞大光燭
地出羽林軍東南行至近濁 戊申 駐蹕
忽蘭忽失温 是日虜寇谷里巴馬哈木太
平把克孛羅等率衆逆我師見行陣整列遂
頓兵山巔不發 上駐高阜望寇已分三路
令鐵騎數人挑之虜奮來戰 上麾安遠侯

柳升等發神機銃砲斃賊數百人親率鐵騎
擊之虜敗而却武安侯鄭亨等追擊虜亨中
派矢退寧陽侯陳懋成山侯王通等率兵攻
虜之右虜不為動都督朱崇指揮呂興等直
前薄虜連發神機砲銃寇死者無算豐城侯
李彬都督譚青馬聚攻其左虜盡死鬪聚被
創都指揮滿都力戰死 上遙見之率鐵騎
騎擊虜大敗殺其王子十餘人斬虜首數千
級餘衆敗走大軍乘勝追之度兩高山虜勒

餘衆復戰又敗之追至土刺河生禽數十人
馬哈木太平等脫身遠遁會日暮未收兵
皇太孫遣騎兵四出覘視知虜已敗走

上始還帳中皇太孫入見上語以虜敗之
故皇太孫叩首稱賀上曰此虜尚未遠
夜中尤須慎防遲明追撲之必盡殲乃已
皇太孫對曰陛下督戰勤勞天威所加虜衆
破膽矣今既敗走假息無所寧敢逆顧乎請
不須窮追宜及時班師上然之是日

皇太子免直隸揚州府通州被水災田九十一
頃六十四畝租稅後軍都督僉事謝芳運
德州等處糧十一萬四千六百石至北京
已酉賜名忽蘭忽失温地曰殺胡鎮諸將請
追寇上曰寇窮矣何用遠追遂議班師遣
官賜祭都指揮滿都庚戌班師上以寇
雖窮敗必尚有潛遁山谷者命諸將回軍須
嚴陣待之既行累有殘寇乘高覘望者上
麾兵薄之皆散走自是虜不復見蹤跡矣

是日置交趾又安新平順化三衛濱州守禦
千戶所又安衛南靖守禦千戶所時總兵官
英國公張輔以四府與老撾占城暹蠻接境
土地廣遠夷民繁夥宜有控制司黔國公沐
晟議請於各府置衛所籍土軍以土官指揮
千戶理其事仍請給印信

皇太子從之 湖廣按察司僉事戚文鳴坐事
謫為交趾承差 辛亥 車駕發殺胡鎮駐
蹕回流甸遣使以擊敗馬哈木等諭和寧王

阿魯台 壬子 監察御史劉愷等劾左軍都
督梁福中軍都督蔡福受命討思州臺羅等
寨苗賊乃生事擾民私役軍士脩建尼寺與
尼通姦強取人婦女減軍士月糧索蠻酋金
馬荒淫不律十餘事請置于法 皇太子曰
此輩誠可罪然 上之所命侯 車駕還日
聞奏 癸丑 駐蹕平山鎮命紀功督陣官
具將士有功及臨陣退劔者并所獲人馬之
數以聞 甲寅 駐蹕清源峽命諸將凡將

將士被傷及有疾者皆給馬載之糧不足者
計日給之夜月犯心宿大星 戊午 駐蹕
三峰山之西南和寧王阿魯台遣所部都督
朶兒只智卜等來朝命中官王安貴勅往勞
阿魯台 是日 皇太子賜國子監琉球生
益智每等二人羅衣布衣各一襲及襪衫靴
襪衾褥幃帳等物賜其從人有差 己未賞
河南山東餽運官軍萬七百三十八人鈔四
萬三千七十五錠 夜有星如盞大青白色

尾跡有光出右旗西北行入紫微東蕃內
庚申 駐蹕飲馬河西岸和寧王阿魯台遣
所部都督鎖住來言有疾不能朝 上遣指
揮徐晟同中官鎖住賜之來百石驢百匹羊
百羴別賜其部屬米五千石 辛酉戶部言
四川蠻夷平夷二處株木軍夫缺糧乞於今
年夏稅內撥運給之 皇太子從之 壬戌
駐蹕飲馬河南岸命成安侯郭亮護將士有疾
者歸且命緣途加意撫綏無令失所 丙寅

駐蹕野馬泉和寧王阿魯台遣人來謝恩及病
不能朝之罪賜勅慰諭之 是日 皇太子
遣官祭中雷 丁卯 皇太子命戶部賑濟
直隸常熟縣被水飢民萬三千四百六十餘
戶計穀四千二百三十石 戊辰
皇太子以故山東都指揮僉事黃鉉子勝龍父
舊職為金吾右衛指揮同知錦衣衛指揮僉
事黃鉉子鼎龍指揮僉事 己巳 車駕次
黑山峪勅 皇太子以班師告 天地

宗廟

社稷遂頒詔天下詔曰朕祇奉

天命

撫御華夷惟欲乂安咸得其所凡刺黠虜僻
處窮荒與其醜類歲相讐殺敗亡喪沒存者
無幾朕即位之初撫摩存恤授以封爵數年
以來憑仗朝廷始得休息烏合為羣即復驕
恣辜德負恩背違信義擅殺其主執我使臣
侵擾邊境豺狼無厭朕不得已躬率六師以
討之師至撒里怯兒之地賊兵迎戰一鼓敗
之追至土刺河賊首谷里巴馬哈木太平把

禿字羅不度智能掃境而來兵亦纔交如摧
枯朽追奔逐北獸獮禽戮殺其名王以下數
千人餘虜宵遁遂即日班師至飲馬河和寧
王阿魯台之衆悉詣軍門朝推誠待之勞徕
撫輯令回部落嗚呼奉行天威掃腥羶於絕
塞綏寧順附軍思惠於遠人用靖邊陲佚我
黎庶故茲詔示咸使聞知 是日

皇太子除河南府嵩縣戶絕荒田租四千四百
六十石有奇 庚午 皇太子擢監生石篋

大明太宗文皇帝實錄卷之九十三

永樂十二年秋七月壬申朔享 太廟命皇

太子行禮 甲戌夜有星如盞大青白色有

尾光燭地出壘壁陣西南行入羽林軍南一

小星隨之 丙子 駐蹕禽胡山勅山西陝

西遼東臨邊諸城增築烽堠謹備禦 命遼東

都指揮巫凱等先率所部還凱因奏開原三

萬遼海三衛歲收屯糧僅給本衛官軍及給

安樂自在二州之人近奉命用給各衛調兵

行糧并接濟毛憐建州諸衛鞭輶道路既遠
供給不敷宜將所給建州毛憐者就瀋陽各
衛與之度開原三萬遼海有二三年之積而
緩急有備又言遼東諸衛兵宜以二分守城
一分屯種開原所市馬宜悉給各衛軍士乘
操皆從之 戊寅 皇太子遣官祭歷代帝
王陵寢 河南宜陽縣民獻白兔 壬午
駐蹕清水源命都督金玉指揮張達等率將軍
校尉軍士先還京師行糧有餘者就令贖回

于文通徐長淵李旋顧達盛偉王繼行湯雲
張昶劉壁陳斌闔勝先商盤許彥唐著楊義
俱為監察御史

興和收賒備用陞延安衛指揮使張嵩為
陝西都指揮僉事戊子谷王穗第六子生

賦燠 己丑 駐蹕紅橋 上諭諸將士曰

朕出師討寇本為百姓百姓勞於耕作躬望
秋成况臨邊苦寒之地衣食尤艱今大軍入
關朕已遣人巡視敢有蹂踐田禾取人畜產
者悉執送北京處以軍法統率不嚴者罪同
爾將士其慎之 夜土星犯井宿東扇北第
二星 庚寅 駐蹕興和 皇太子遣左右

少監卜花局卽進保進服至 辛卯以馬皆
疲弱命豐城侯李彬成山侯王通率兩京及
直隸衛所各都司官軍駐興和休息二十日
歸命興安伯徐亨都指揮吳春指揮沈美張
綱劉弘等率步軍扈從 癸巳 駐蹕宣府
遣官祭宣府山川 甲午 皇太子千秋節
免賀禮 朝鮮國王李芳遠遣陪臣金玟得
等進箋及金銀器等物賀千秋 皇太子命
禮部如例賜鈔及文綺表裡 己亥 駐蹕

沙河 皇太子遣兵部尚書兼詹事府詹事
金忠指揮使楊義進迎 饗表至 是日
皇太子命賑給河南之新安縣宜陽登封永寧
浙江之仁和諸暨湖廣之新寧東安諸縣飢
民凡二萬一百九戶給粟三萬四千八百二
十石有奇

八月辛丑朔 車駕至京師 上御奉天殿
文武羣臣上表賀 壬寅大宴文武羣臣及
從征將校 命禮部會文武大臣議將士功

賞 交趾總兵官英國公張輔執送賊首陳
季擴阮帥至京師伏誅 甲辰浚淮安府海
州城南官河二百四十里 丙午免北京所
屬郡縣糧芻二年 北京行部鄉試奏請考
試官 上命翰林院侍講曾榮翰林院侍講
兼春坊左中允鄒緝考試賜宴于本部 丁
未遣官釋奠先師孔子 修通州三河等處
水決隄岸 是日應天府鄉試啓請考試官
皇太子命司經局洗馬兼翰林院編修楊溥編

修周述考試賜宴於本府 戊申祭 太社
太稷命皇太子行禮 都察院左副都御史李
慶劾奏忻城伯趙彛擅殺魏運民丁盜賣官
糧都督譚青選軍出征精銳者以賂得免罷
弱者驅迫以行又逼取指揮許真等金銀馬
牛都督朱崇恣肆貪淫又擅給千百戶十餘
人驛馬請悉論如法 上曰大臣所為如此
不懲治將漸習成風命三法司鞠彛崇下青
錦衣衛獄 庚戌朝鮮國王李芳遠遣使貢

方物賜其使文綺表裏 辛亥黃河溢壞河
南土城二百餘丈事聞命工部遣官修築
壬子設貴州思南思州二府稅課司 河間
府滄州順天府通州固安縣涇兩寶坻縣兩
電傷稼事聞 上謂行在戶部臣曰民於此
時正望秋成既如此將何以仰給其速遣人
臨視果為民患令有司發粟賑之 甲寅彭
亨國王已刺密鎖刺達羅息尼遣使蘇麻目
門的里及忽魯謨斯國人已即丁等貢馬及

方物並賜文綺龍衣命禮賜彭亨國王錦綺
紗羅絲絹而酬已即丁等馬直 裁減湖廣
都州桂陽縣縣丞主簿增置雲南姚安軍民
府儒學訓導二員 乙卯尼八刺國沙的新
葛遣人貢方物封沙的新葛為尼八刺國王
給鍍金銀印及誥 命鎮守薊州都指揮陳
景先督軍民修築遵化城及緣邊關隘之傾
頽者 丙辰禮部進所會議將士賞例隨駕
三千官軍內領隊者伯都督賞銀百五十兩

絲幣表裏八鈔四百錠都指揮銀一百兩絲
幣表裏六鈔三百錠指揮銀六十兩絲幣表
裏四鈔二百錠十戶衛鎮撫銀四十兩絲幣
表裏三鈔六十錠百戶所鎮撫銀二十五兩
絲幣表裏二百二十錠總小旗甲銀五兩綿
布五疋鈔一百錠隨五官比領隊各減半總
小旗甲將軍力士校尉人等綿布三疋鈔六
十錠領神機銃手候銀二百兩絲幣表裏十
鈔六百錠射中賊人馬者不分官旗軍銀三

十兩鈔百六十錠齊力接應者領隊都督絲
幣表裏四鈔百四十錠都督指揮把總指揮
絲幣表裏三鈔二百錠千戶衛鎮撫絲幣表
裏一鈔百二十錠百戶所鎮撫絹三匹鈔一
百錠總小旗甲綿布四匹鈔六十錠隨五官
比領隊各減半總小旗甲人等綿布二匹鈔
四十錠其擺隊內領隊者都督絲幣表裏二
鈔百二十鈔都指揮把總指揮絲幣表裏一
鈔百錠指揮絹二匹鈔九十錠千戶衛鎮撫

絹二疋鈔六十錠百戶所鎮撫絹二匹鈔五
十錠總小旗甲綿布二匹鈔四十錠隨伍官
比領隊各減半總小旗甲軍士人等綿布二
匹鈔三十錠其守營領隊者都督絲幣表裡
一鈔八十錠都指揮絹二疋鈔七十錠指揮
絹二疋鈔六十錠千戶衛鎮撫絹一匹鈔五
十錠百戶所鎮撫絹一匹鈔四十錠總小旗
甲綿布一匹鈔三十錠隨伍官旗軍將軍力
士校尉人等綿布一匹鈔二十錠大旗大營

馬隊并哨馬官軍人等下馬當先敗賊者領
隊伯都督銀百兩絲幣表裡六鈔三百錠都
指揮銀六十兩絲幣表裡四鈔二百錠指揮
銀四十兩絲幣表裡三鈔百六十錠千戶衛
鎮撫銀二十五兩絲幣表裡二鈔百二十錠
百戶所鎮撫銀十五兩絲幣表裡一鈔八十
錠百戶所鎮撫銀十五兩絲幣表裡一鈔八
十錠總小旗甲綿布四疋鈔七十錠隨伍官
比領隊減半旗軍人等綿布二匹鈔四十錠

齊力接應者領隊都督絲幣表裡四鈔二百
錠都指揮絲幣表裡三鈔百六十錠指揮絲
幣表裡二鈔百四十錠千戶衛鎮撫絲幣表
一表裡鈔百二十錠百戶所鎮撫絹三疋錠
百錠旗甲綿布三疋鈔五十錠隨伍官比領
隊減半總小旗甲人等綿布二疋鈔三十錠
其擢隊者領隊者都督絲幣表裡二鈔百二
十錠都指揮絲幣表裡一鈔百錠指揮絹二
疋鈔二十錠千戶衛鎮撫絹二匹鈔六十錠

百戶所鎮撫絹二疋鈔五十錠總小旗甲綿
布二匹鈔二十錠隨伍官比領隊減半總小
旗甲軍士人等綿布二疋鈔三十錠其守營
領隊者減半總小旗甲軍士人等綿布二匹
鈔三十錠其守營領隊者都督絲幣表裡一
鈔八十錠都指揮絹二匹鈔七十錠指揮絹
二匹鈔六十錠千戶衛鎮撫絹一匹鈔五十
錠百戶所鎮撫絹一匹鈔四十錠總小旗甲
綿布一匹鈔三十錠隨伍官旗軍將軍校尉

力士人等綿布一匹鈔二十錠圍子手把總
都督銀一百兩綵幣表裡六鈔三百錠接應
殺賊領隊者都指揮綵幣表裡三鈔二百錠
指揮綵幣表裡二鈔百六十錠千戶衛鎮撫
綵幣表裡一鈔百二十錠百戶所鎮撫絹三
疋鈔百錠總小旗甲綿布四匹鈔六十錠隨
伍官比領隊減半總小旗甲人等綿布二匹
鈔四十錠其擺隊內領隊者都指揮綵幣表
裡二鈔百六十錠千戶衛鎮撫絹三匹鈔百

錠總小旗甲綿布二疋鈔四十錠其守營領
隊者都指揮絹二疋鈔七十錠指揮絹二匹
鈔六十錠千戶衛鎮撫絹一匹鈔五十錠百
戶所鎮撫絹一匹鈔四十錠總小旗甲綿布
一匹鈔三十錠隨伍官旗軍將軍力士校尉
人等綿布一匹鈔二十錠養病守營能奮勇
領衆敗賊者其領隊官都督五十兩綵幣表
裡四鈔二百錠都指揮銀四十兩綵幣表裡
三鈔百六十錠指揮銀二十五兩綵幣表裏

二鈔百四十錠千戶衛鎮撫銀十五兩綵幣
表裡一鈔百錠百戶所鎮撫銀五兩絹二匹
鈔六十錠隨伍官比領隊減半總小旗軍人
等綿布三匹鈔六十錠隨侍幼軍并旗手衛
旗鼓手領隊者都指揮綵幣表裡一鈔百錠
指揮絹二匹鈔九十錠千戶衛鎮撫絹二匹
鈔六十錠百戶所鎮撫絹二匹鈔五十錠總
小旗甲綿布二疋鈔四十錠隨伍官比領隊
減半總小旗甲軍士人等綿布一匹鈔三十

錠陣亡傷故於本賞仍給齋糧麻布五軍馬
隊官軍曾下馬當先殺賊者坐營官綵幣表
裏五鈔四百錠領隊官侯伯都督綵幣四鈔
二百六十錠都指揮綵幣表裡三鈔二百錠
指揮綵幣表裡二鈔百四十錠千戶衛鎮撫
綵幣表裡一鈔百二十錠百戶所鎮撫試百
戶絹三匹鈔百錠隨伍官比領隊各減半總
小旗甲軍士人等綿布二匹鈔四十錠馬步
隊齊力接應官軍者坐營官綵表裏三鈔百

六十錠領隊官侯伯都督絲幣表裏二鈔百
二十錠都指揮絲幣表裡一鈔百錠絹二疋
鈔九十錠千戶衛鎮撫絹二匹鈔六十錠百
戶所鎮撫試百戶絹二匹鈔五十錠隊伍官
比領隊減半總小旗甲軍士人等綿布二匹
鈔三十錠馬步隊擺隊官軍坐營官絲幣表
裡二鈔百十錠領隊官侯伯都督絲幣表裏
一鈔八十錠都指揮絹二匹鈔七十錠指揮
絹二匹鈔六十錠千戶衛鎮撫絹一匹鈔五

十錠百戶所鎮撫絹一匹鈔四十錠隨伍官
比領隊減半總小旗甲軍士人等綿布一匹
鈔二十錠馬步隊守營官軍坐營官絲幣表
裡一鈔百錠領隊官侯伯都督絲幣表裡一
鈔六十錠都指揮絹二匹鈔四十錠指揮絹
一匹鈔三十錠千戶衛鎮撫綿布一匹鈔二
十四錠百戶所鎮撫綿布一匹鈔二十錠隨
伍官旗軍人等綿布一匹鈔十錠傳令營把
總指揮趙得絲幣表裡三鈔百四十錠指揮

願沙不丁銀二十兩綵幣表裡一鈔八十錠
其餘無過者指揮絹二匹鈔九十錠千戶衛
鎮撫絹二疋鈔六十錠百戶所鎮撫絹二疋
鈔五十錠舍人綿布二疋鈔六十錠隨營舉
什器及各處戍守并運糧官軍人等賞各有
差 上覽之至再曰如此庶盡公道 戊午
上御奉天殿賞從征將士諭之曰余等從朕討
虜遠涉沙漠勞動至矣今第余等功賞如所
司論有不當許自言如爾等有妄自增功掩

過者許自首免罪遂命所司如例賞之 己

未遣官祭太歲風雷雨等神遣官祭旗壽縣

辛酉遼王植第十三子生賜名貴嬪 壬戌

行在戶部言宣府邊衛宜有儲積請召商中
鹽視淮浙鹽例每引輸米四斗不次支給從
之 弗提衛女直指揮僉事何刺禿等來朝
自陳願居北京從之命禮部賜予如例 丙
寅 上諭行在兵部尚書方賓曰北來騎士
死者即以丁男補之然出自田里不諳騎射

用以征戰何能濟事今後宜令補步隊內選
卒精壯者入馬隊訓練庶幾可用

九月辛未朔封晉恭王第三子平陽王濟煥
為晉王 奴兒干都司都指揮同知康旺等
來朝貢貂皮等物賜賚有差 夜有星如雞
子大赤色尾跡有光出房宿西南行至迤濁
癸酉命故金吾左衛指揮僉事何通子清
金吾右衛指揮僉事陳斌子陸燕山前衛指
揮僉事許諒姪安俱襲職 甲戌陞太寧都

司都指揮同知汪浩為後軍都督僉事治舟
艦都指揮僉事譚廣為中軍都督僉事總操
練真定府守臣言積雨壞城命及農暇修之

丙子置交趾乂安新平順化三衛經歷司
經歷濱州南靖二守禦千戶所吏目 順天
府武清縣言河決洒兒渡口六百五十餘丈
命工部遣官修築 丁丑榜葛刺國王賽弗
丁遣使奉表獻麒麟并貢名馬方物 戊寅
禮部請上表賀麒麟 上曰海宇清寧遠人

嚮化貢獻方物斯皆 天與 祖宗之祐卿
等但當夙夜竭心輔治以惠天下天下既安
雖無麒麟不害為治其免賀 密雲後衛霖
雨壞城事聞命工部修之 己卯重陽節賜
文武羣臣宴 辛巳山西太原府孟縣獻嘉
禾 修鳳陽府安豐塘水門十六座及牛角
堤至新倉舖傾塌隄岸萬三千五百餘丈
壬午設八寨長官司隸雲南都司以土酋者
寧為副長官時者寧來朝請設治所以撫其

衆每歲給馬十五匹故有是命 癸未命成
安侯郭亮興安伯徐亨往開平備禦 上諭
之曰開平以孤城臨極邊又無險可恃但晝
夜嚴守備寇來勿輕出戰去亦勿追蓋虜多
詐無為所誘也 開北京下馬關海口 晝
太白見已位 乙酉女直野人頭目阿路禿
等百十五人來朝設塔速兒河五屯河玄城
和卜羅老哈河兀列兀刺忽哈兒分八衛命
阿路禿等為指揮千百戶賜誥印冠帶襲衣

及鈔幣有差 丙戌封周王橐第十女為宜
安郡主命蔡義為中奉大夫宗人府儀賓以
宜安郡主配之義河南右護衛千戶蔡顯之
子 副總兵官都督同知梁福械送湖廣箠
子坪賊首吳者泥等至京師初者泥等自稱
苗王糾舉蠻民苗金龍苗阿甲等及亡命軍
民出沒為寇功初也寨朝廷命鎮遠侯顧成
及福率兵討之福攻破其亞磨等寨斬賊首
百貳十五級生擒吳者泥等十三人送京師

恚戮于市

丁亥修河南武陟縣郭村馬曲等河土堤凡
五百六丈 戊子 上聞弗提斤六城之地
肥饒命指揮塔失往治弗提衛城池令軍民
咸居城中政穰孳收從其便各處商賈欲來
居者亦聽仍命行在兵部榜諭之 清遠侯
王友妾徐氏告友及友之妻誹謗辭甚悖慢
上以示友令有無自陳曰毋為人所間友恚引
伏 上曰朕於功臣未嘗薄友有罪不自宥

乃歸咎朝廷天理可誣乎貫其罪罷其爵祿
廢處於家 夜月犯昴宿 庚寅和寧王阿
魯台遣使奉表請其部屬阿魯秃等官職命
阿魯秃阿只力思為都督同知曲列兒為都
指揮使馬沙兒等三人為都指揮同知思憐
帖木兒等四人為都指揮僉事納陳等十一
人為指揮使苦都兀等二人為指揮使沙不
丁等二十四人為指揮僉事不秃不花等一
百一十七人為千百戶鎮撫并賜阿魯台米

三千石 辛卯命故金吾前衛指揮同知王
全子才金吾左衛指揮同知張小拾子禮孫
忠子立濟陽衛指揮同知賴塔海子重家奴
俱罷職 壬辰滿剌加國王子母幹撒子的
兒沙來朝奏其父拜里迷蘇刺卒詔母幹撒
子的兒沙罷父爵為王賜金銀綿綺紗羅冠
帶織金襲衣 甲午命都督費瓖劉江俱充
總兵官瓖鎮守甘肅陝西河南山西調到備
禦官軍聽其節制江鎮守遼東節制遼東都

司屬衛軍馬 乙未伊王擗薨 丙申右軍
都督同知韓觀卒觀字彥實鳳陽虹縣人父
成事 太祖高皇帝為帳前總制親兵左副
指揮使歿贈榮祿大夫中軍都督同知追封
高陽侯觀嚴為廣西衛指揮僉事陞廣西指
揮使觀生長兵間諳練武事然為人勁悍忍
刻在鎮中嚴紀律軍中無敢違令者初蠻寇
不靖數出焚劫郡縣殺守吏邊民苦之命觀
勦捕觀出人人用命獲寇必治以竣刑聞

宥一二遣歸諸蠻聞觀用刑皆膽落不敢復
出為害由是境內得安召還京陞右軍都督
同知無幾命充左副總兵征開

上即位以觀舊臣拜征南將軍鎮江西數月復
鎮廣西永樂四年從交趾與效勞績九年復
鎮交趾至是卒賜祭賻以粟帛無嗣 丁酉
命行在兵部都察院遣官按視寧夏甘肅大
同遼東等處屯堡初 上命邊將置屯堡為
守備計每小屯五七所或四五所擇近便地

築一大堡環以土城高七八尺或一二丈城
八門周以濠塹濶一丈或四五尺深與濶等
聚各屯糧芻于內其小屯量存逐日所用糧
食有警即人畜盡入大堡併力固守命下久
未有報故命按視

閏九月辛丑朔寧王權等三子生賜名磐姚
癸卯設保定衛及經歷司并五千戶所命
工部築衛城 甲辰伊王橐駝聞王

太祖高皇帝第二十四子母麗妃謝氏王洪武

二十四年受封永樂六年五月之國河南王
縱欲敗度平居削髮裸袒男女雜處所顧忌
屢勅訓諭不悛比薨禮部奏請削爵葬以庶
人之禮 上悼念之不削其爵命有司治喪
葬而賜謚曰厲 先是

上以皇太子所遣使迎車駕緩且奏書失辭曰
此輔導者之不職遂徵右春坊兼翰林院侍
讀大學士黃淮等是日淮先行至行在六部
都察院大理寺通政司交奏其罪遂下獄後

二日左春坊左諭德兼翰林院侍講楊士奇
及司經局正字金問至 上曰楊士奇姑宥
之朕未嘗識金問何以得侍東宮命法司鞠
之已而召士奇至前親問東宮事士奇叩首
殿下孝敬誠至凡所稽違皆臣等之罪

上悅而罷於是行在六部都察院大理寺通政
司十三道監察御史交章奏士奇罪不宜獨
宥乃下錦衣衛頌繫之未幾特宥復職遂徵
司經局洗馬楊溥蒞善相繼下獄皆以金問

辭連之也 乙巳琉球國中山王思紹遣姪

三吾良疊等貢馬及方物賜之鈔幣 賜故

都督同知剌別力哥子合里哥指揮使俸以

優給之 戊申交趾總兵官英國公張輔黔

國公沐晟等以交趾叛寇平委都指揮朱輝

廖春率官軍五千留交趾備禦輔等各率官

還 夜有星如盞大赤色光燭地出東北雲

中東北行至近濁 己酉夜金星犯左執法

庚戌魯王肇輝第三子生賜名泰舉 辛

亥改福建按察副使李公正於河南按察司
四川按察僉事石魯於浙江按察司 壬子
命遼東都司以兵三百往奴兒干都司護印
先嘗與兵二百至是都指揮同知康旺請謫
故有是命且勅旺踰二年遣還 丁巳賜朝
鮮國使臣宴 裁減陝西鳳翔府郿縣縣丞
主簿 徙陳州宛丘驛及遞運所於沙河北
岸初置於城之北比年黃河淤塞故徙之
蘇州府崇明縣耆民宋傑等言比因風潮暴

至漂民廬舍被災之民五千八百三十餘家
上勅戶部給米鈔賑之凡給米萬二千四百餘
石鈔十三萬八千三百二十五錠仍免差徭
二年 辛酉擢進士趙禮為浙江按察司僉
事斐旻為江西按察司僉事傳啓讓為河按
察司僉事余文為山西按察司僉事
壬戌勅寧夏總兵官寧陽侯陳懋曰近瓦剌
人至言馬哈木欲掠甘肅虜雖已窮蹙然不
可無備 勅木瓦諸寨頭目納木等來朝貢

馬言其地蠻民無所統屬乞授職以撫輯之
遂命納木等俱為百夫長俾領諸寨隸四川
鹽井衛 甲子召鎮守大同江陰侯吳高還
修河南開封府土城隄岸百六十餘丈
丁卯命都督朱榮統總兵官鎮守大同節制
山西都司行都司備禦軍馬
修山東聊城縣龍灣河及濮州紅船口范縣
曹村河隄岸

大明太宗文皇帝實錄卷之九十四

永樂十二年冬十月辛未朔享太廟命皇

太子行禮 監察御史鄭幹年老乞致仕從

之 上以幹金華義門特賜勅諭宴於禮部

陸龍驤衛指揮使張勝為山東都指揮同

知 夜有星如盞大赤色有尾光燭地出太

微西垣外南行至游氣 乙亥設貴州鎮遠

石阡烏羅銅仁新化黎平六府儒學 辛巳

上諭行在兵部臣曰今天下軍伍不整肅多因

官吏受賕有縱丁壯而以羸弱補數者有累
歲缺伍不追補者有偽作戶絕及以幼小紀
錄者有假公為名而私役於家者遇有調遣
十無三四又多是幼弱老疾騎士或不能引
弓步卒或不能荷戈緩急何以濟事宜先榜
示禁約後遣人分行閱視步騎之士皆須壯
健能馳射擊刺隊伍須實軍律須嚴若復踵
前弊必罪不貸 壬午設甘州等衛屯堡四
十六所 丙戌哈密忠義王免力帖木兒遣

使掌吉帖木兒等貢馬命掌吉帖木兒為都
指揮僉事等官仍賜之宴 塞保安衛董家
庄等十一處山口深井李家庄大箭口三處
設烟墩守之 戊子 上以京師將校扈從
已久北京軍士亦多差遣命所司賞鈔布綿
花無家者加鞵鞋 己丑山西解州言臨晉
縣涑水河壅塞逆流決姚暹渠堰流入硝池
滄沒民田將及塩池命工部遣人修築 雲
南布政司左叅政崔恂卒恂青州臨淄人洪

武間由鄉貢舉人擢禮部主客員外郎陞兵部車駕郎中永樂二年陞雲南左叅政恂資質重厚以廉謹自持事其母孝居官雖遠地必迎就養及卒人多惜之 壬辰有使西域還者言別失八里王馬哈麻之母及弟相繼卒命給事中傅安等齋勅慰問并賜之文綺表裡 癸巳夜有星如盞大青白色有尾光燭地出天園西南行至近濁 甲午四川泥溪蠻夷沐川平夷諸長官司遣人貢方物志

賜鈔幣遣還 命蘇海龍為金吾左衛指揮使海父聚初為衛士積功至指揮同知累遷

遼東都指揮同知卒于官海應襲指揮同知

上念聚平定九門功特命襲指揮使 常州府

江陰縣請浚萬歲河及唐汪等河從之 乙

未賜谷王穗兜羅綿被 河南按察司副使

劉智有罪免死發交趾為吏 丙申擢監生

張磐韓壘卜謙陳諒俱為給事中崔顥為監

察御史改河南右叅議苑杲於四川布政司

江陰侯吳高以罪免初高領兵守大同多
不法及上北征班師至興和高稱疾不朝
被召回京縱家人給驛及私役有司車牛又
擅以守邊官軍千百戶鎮撫張玉等百二十
餘人隨行所過搔擾為御史成務等所劾遂
免為民丁酉降戶科給事中朱昭為廬陵
縣丞戊戌勅甘肅總兵官都督費瓛曰甘
肅涼州緣邊諸衛所騎士常令操備於步卒
中選其半精壯者守禦餘皆下屯副總兵

都督同知梁福言湖廣箬子坪故賊首吳者
泥之子吳坦竹復誘苗蠻亞磨等連結貴州
治古答意等處苗蠻為寇都督僉事蕭授攻
入亞磨等寨禽戮吳坦竹等餘賊潰散其治
古答意二長官司土官龍答哥等今率苗首
黨恰等來降上曰降即宥之夜有星如
雞子大青白色有光出柳宿東行入軫宿
是月廢遼東鐵嶺衛流星塔雙城古城廣寧
右屯衛大陵衛十三山塔山六相堡

十一月庚子朔欽天監進永樂十三年大統
曆上御奉天殿受之頒賜諸王及文武羣
臣勅諭長子皇太子永樂十三年正月
十一日大祀

天地命尔行礼其潔精致齋恪共乃事欽哉

郢王棟薨 辛丑冬至

上御奉天殿受朝賀大宴文武羣臣及四夷朝
使 甲辰雲南路江安撫司安撫曩璧遣子
刁謙發等貢馬及方物賜鈔幣遣還

命法司及北京行部錄囚

上諭之曰方今嚴

冬囹圄有罪者固難決放無辜者並受幽繫
飢寒瘦死非德政也尔等即具成獄及所疑
者進來朕親閱之 乙巳瓊州府澄邁縣生
黎峒首王觀監等各遣子貢馬志賜鈔幣

順天府薊州言自去年水災禾麥無收百姓
艱食 上命戶部遣人覈實賑之 夜有星
如盞大青白色光燭地出軒轅東行至太微
西垣內二小星隨之 丁未朝鮮國王李芳

遠遣陪臣李稷等奉表賀平胡并貢馬二十匹賜鈔及文綺表裡廣西上林長官岑至威安隆長官岑子得四川永寧王宣撫阿聶妻奢蘇各遣人貢馬志賜鈔幣遣還庚戌降晉王濟熿為庶人俾與長子美圭同守晉恭王墳園仍賜勅諭曰尔謀為不軌自絕于天自絕祖宗論尔之罪有不容誅重念恭王手足之義特全尔生令守恭園其閉門念咎杜絕外交改過遷善以保令終慎之哉

辛亥浚蘇州府崑山縣太平河癸丑命柳燈龔為重慶衛世龔指揮同知燈父琮初以揚州衛舍人全城歸附授都指揮同知後征交趾陣亡行在兵部言燈不應龔

上念琮功特命為世龔指揮同知哈密忠義王免刀帖木兒使臣掌吉帖木兒等陞辭

上命賜免刀帖木兒及其母以下金織文綺綵絹有差其部屬都指揮哈刺苦出等亦各賜綵幣甲寅上諭行在翰林院學士胡廣

侍講楊榮金幼孜曰五經四書皆聖賢精義
要道其傳註之外諸儒議論有發明餘蘊者
介等采其切當之言增附于下其周陳張朱
諸君子性理之言如太極通書西銘正蒙之
類皆六經之羽翼然各自為書未有統會介
等亦別類聚成編二書務極精備庶幾以垂
後世命廣等總其事仍命舉朝臣及在外數
官有文學者同纂脩開館東華門外光祿寺
給朝夕饌夜月食丙辰造進士冠服五

百副丁巳轉輶哈刺帖木兒等三人來歸
奏願居京師命為百戶所鎮撫賜予如例

己未順天府尹張貫卒貫泗州靈璧人洪武
中由太學生擢北平布政司左叅政後歷江
西四川福建叅政所至以寬簡為政百姓安
之坐事左遷真定府知府尋陞順天府尹順
天政務煩劇聽決酬應日無虛刻貫從容處
置事無疑滯其卒人多惜之庚申命都指
揮李龍往河南都司選步卒一千赴甘肅備

禦 蠲蘇松嘉湖杭五郡水災田租四十七萬九千七百餘石初有司請減半徵之上謂戶部尚書夏原吉等曰民田被水無收未有以賑之又可徵稅耶於是悉蠲之 癸亥 貴州宣慰使宋祗安下詔遣把事徐英及其屬貴竹等十長官司貢馬賜鈔幣有差

甲子工部左侍郎張信坐事謫交趾 乙丑 廣西思明府土官知府黃瑄東蘭州土官知府韋質慶遠府合鳳莊土官之孫羅惟俱遣

人貢馬賜鈔幣有差 靖江九輔國將軍贊

億有罪免初贊億召護衛老卒趙孜為符呪

事怒其來遲槌殺之又縱家人走馬蹴傷司

獄沈興又私匿桂林軍民畢道清等在府傳

授妖術妄言禍福事覺法司當以死命免官

泗州為民 丙寅設蔚州興寧巡檢司

丁卯雲南景東府土官知府陶幹陸涼州土

官知州資求富州土官知州沈絃絃各遣人

貢馬俱賜鈔幣遣還 陞福建布政司右叅

議辛彥博為浙江布政使 夜金星犯水
星 戊辰設山後美峪嶺之叮嚀口鴛鴦口
平頂山口三巡檢司

十二月庚午朔 皇太子省牲于南郊 辛

未永順宣慰使彭源那地州土官知州羅志
通石梁下洞長官唐朝文來朝貢馬賀明年
正旦賜鈔幣有差 壬申郢王棟訃聞

上深悼之特輟朝十有五日謚曰靖遣官賜祭
命有司治喪葬如韓憲王禮

皇太子諸王皆遣祭王 太祖高皇帝第二十
三子母惠妃劉氏以洪武辛未受封永樂戊
子六月之國安陸謹禮法端重簡靜國中晏
然女直野人頭目完答只兀魯等四十三人
來朝設失兒兀赤衛命完答等為指揮餘事
千百戶鎮撫賜誥印冠帶龍衣及鈔幣有差
癸酉谷王穗第七子生賜名賦焜 甲戌
韃靼尚都伯顏台列歹等來歸奏願居京師
俱為所鎮撫賜予如例 旌表開封府陽武

縣民劉大孝行以其父母相繼死廬墓七年
一志不懈又旌順天府宛平縣民紀添祐妻
王氏河南府偃師縣民李保兒妻牛氏撫州
府崇仁縣民王紹妻吳氏太平府當塗縣民
巫道保妻邢氏廬州府巢縣民葉榮妻趙氏
揚州府興化縣民李鎮妻沈氏王思誠妻張
氏許保妻張氏通州海門縣民崔發妻徐氏
貞節俱以年少喪夫守志不貳始終無玷云
時遼東三萬衛指揮裴牙失怙木兒之子婦

劉氏夫將死謂曰我死汝必更嫁劉氏泣曰
是何言夫死偕死不信請先之遂縊死特貞
表曰貞烈 乙亥陳留郡主薨訃聞遣官賜
祭命有司治喪葬主周定王十一女也 丙
子西番占城先結簇山洞簇蛤匝簇思曩兒
簇白馬路簇阿昔洞簇者多簇者比定簇年
力劫簇班班族包藏族阿昔族祈命族麥匠
簇勒都簇十五長官司俱遣人來朝貢馬賜
鈔幣龍衣 己卯諭行在禮部臣曰皇太孫

及諸皇孫多年長未娶命禮部遣官於直隸
府州及北京山東河南山西陝西訪求官員
軍民及前朝故官之家女子年十一至十七
容德端厚父母俱存家法嚴整者官給舟車
令其父母親送至京聽選 賜國子監琉球
生鄔同志又等三人鈔及衣服 庚辰命羽
林前衛指揮同知朱騰等往視山後道路
置貴州之思州思南二守禦千戶所吏目各
一員 播州宣慰使楊昇烏蒙軍民府知府

撒可芒部軍民府土官香珮廣西思陵州知
州韋成各遣人貢馬賜鈔幣有差 辛巳陞
工科右給事中王彥脩為四川按察司僉事
改刑科給事中姚克勤為山西按察司僉事
改四川布政司右叅劉從政於山西布政司
納憐河女直亦卜可里歹詣闕自陳願居
京師從之命為副千戶賜予如例 丙戌命
姜鏞為中奉大夫宗人府儀賓以晉王第二
女安邑郡主配之鏞廬州衛指揮瑜之子也

丁亥立春 上御奉天殿文武羣臣行賀
禮賜宴 命故掌濟陽衛都指揮同知演只
不花子把禿麻朵兒只龔都指揮同仍掌衛
事 朝鮮國王李芳遠遣陪臣李伯溫等貢
馬及方物賀明年正旦賜鈔及文綺表裡
己丑四川馬湖府土官知府安璿普定衛所
屬安順鎮寧永寧三州及西堡寧谷十二營
募役項營康佐六長官司土官阿宇等各遣
人貢馬賜鈔幣有差 免順天府之豐潤縣

永平府之樂亭縣被水災田千五百五十七
頃九十畝租稅 庚寅設交趾寧化州瑰縣
巡檢司 辛卯北京刑部尚書朱濬卒濬前
燕府長史復之子復事 上最久既卒以濬
署典儀所引禮舍人 上起義靖難命署北
平布政司事永樂元年擢通政司左通政三
年陞刑部尚書至是卒命有司營葬遣官致
祭賜其家鈔二千錠官其二子 癸巳烏思
藏尚師釋迦也失來朝 甲午貴州金筑安

撫司程番方番上馬橋廬番洪番小龍番卧
龍番大龍番韋番小程番金石番羅番廬山
木瓜大華麻嚮十六長官司四川東川軍民
府土官知府何得天全六番招討高敬讓黎
州安撫司副使馬義廣西田州府故土官弟
岑瑜向武州故土官知州子黃嗣謙貴州養
龍坑長官蔡承郎各遣人貢馬賀明年正旦
賜鈔幣有差 蜀王椿具護衛指揮千百子
弟應襲職者請命兵部言故事王府武臣子

弟詣京師比試中然後得襲職 上曰蜀去
京師遠令就比中試者即授官不必詣京
丁酉和寧王阿魯台遣都督鎖住等三百九
十人貢馬且舉所部頭目卜顏帖木兒等為
都指揮指揮千百戶賜鎖住等鈔幣絹布有
差 羽林前衛指揮同知朱騰等視山後道
站還言蘇林口二十二處舊有官軍守備其
黃石崖莊窠澗二處并親視山口九處俱合
置守又言守口軍舊止五六人今宜增為十

人從之 言已亥享 太廟命皇太子行禮
是歲天下戶九百六十八萬九千五十二口
五千一百六十一萬八千二百九賦稅糧三
千二百五十七萬四千二百四十八石布綿
百一十八萬六千七百八十四匹絲綿二十
二萬六千九百六十斤綿花絨二十四萬三
百七十一斤課鈔千九百二十萬八千二百
七十七錠金四百九十五兩銀三十九萬三
千九百四十九兩銅二十六萬九千九百九
斤鉛九萬八千六百
八萬六千八百二十九斤
四斤硃砂千二百四十兩海肥三十三萬九
千七百五十三索茶百二萬一千四百七十
四斤鹽百四十二萬四千二百八十七引
田子粒九百七十三萬八千六百九十石馬
二十七萬一千九百六十一匹 餽運北京
糧二百四十二萬八千五百三十五石

...

...

...


...

...

...

...

...



程